

Pameran hartanah sasar jualan RM15.5 juta

KUALA LUMPUR - Cityscape menyasarkan jualan hartanah bernilai RM15.5 juta yang bakal disumbangkan melalui pameran pelaburan dan pembangunan hartanah di Pusat Konvensyen Kuala Lumpur (KLCC) pada 4 hingga 6 Februari ini.

Pameran selama tiga hari itu akan disertai oleh pemaju hartanah, pelabur persendirian, firma arkitek, perunding dan penyedia penyelesaian hartanah.

Menurut kenyataan yang dikeluarkan di sini semalam, objektif penganjuran pameran hartanah

terkenal itu adalah untuk merapatkan jurang dengan pemegang kepentingan di samping memudahkan jaringan perniagaan.

Turut dipamerkan ialah projek pembangunan hartanah utama dan pelancaran projek hartanah tempatan serta luar negara seperti

Angsana Teluk Bahang iaitu pembangunan unit kediaman mewah tepi pantai di Pulau Pinang oleh pemaju hartanah Senja Aman.

Ia melibatkan pemaju projek hartanah besar antaranya Angsana Teluk Bahang, Aseana Properties, BRDB Developments, Eco World

Malaysia, Ireka Corporation, Island Properties Group, Low Yat Group, SP Setia, See Hoy Chan, Tia Hong Holdings dan UEM Sunrice.

Lebih menarik, buat pertama kalinya di Malaysia, Cityscape akan menganjurkan Forum Kewangan Hartanah Islam yang mana ia bakal melibatkan penyertaan seramai 150 orang dari syarikat awam dan swasta.

Pengunjung juga dapat melihat hasil kerja seni bina firma seni reka antarabangsa seperti Spark Architects dan Veritas Design Group yang pernah memenangi beberapa anugerah ikonik antarabangsa.



SALAH satu projek hartanah yang akan ditawarkan pada pameran yang bakal berlangsung di KLCC bermula 4 Februari ini.